



**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

**KERATAN AKHBAR**  
**05 JULAI 2019 (JUMAAT)**

**AKHBAR**

**MUKA SURAT**

**The Star**

- Taman Saga drainage upgraded with Marris fund 04

**Utusan Malaysia**

- BAHASA MELAYU SAHAJA 01&04

**Sinar Harian**

- Jalan Semangat ditukar kepada Jalan Professor Khoo Kay Kim 18



**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

<b>KERATAN AKHBAR</b> <b>05 JULAI 2019 (JUMAAT)</b>	
Akhbar	The Star
Tajuk Berita	Taman Saga drainage upgraded with Marris fund
Muka Surat	04



Lai (fourth from left) at the Taman Saga drainage project site in Ampang Jaya, Selangor. With him is Abdul Razak (second from left).

TS 517119 MS 04

## Taman Saga drainage upgraded with Marris fund

By **FATIN IZZATI**  
metro@thestar.com.my

THE drainage near Saga Hill in Taman Saga is being upgraded using money from the Malaysian Road Records Information System (Marris) fund.

About RM340,000 had been allocated to upgrade the 550m drainage along Jalan Taman Saga, said Teratai assemblyman Bryan Lai.

"The Marris fund can now be used to upgrade roads, bridges and drains due to the new policy.

"As such, I suggested that Ampang Jaya Municipal Council (MPAJ) allocate some of the funding for drainage repairs here," said Lai.

Apart from Taman Saga, drainage upgrading works were also taking place in Pandan Perdana, Bukit Pandan and Damai Putra.

"Nearly RM2.2mil has been channelled to these four locations," he said.

Taman Saga Rukun Tetangga chairman Abdul Razak A. Rahman

said the almost 30-year-old V-shaped drains were replaced with U-shaped drains.

"The common problems here are water overflow and mudflows during rainy days and drain blockage caused by boulders or fallen branches," he said.

The project, which started in the middle of May, was also implemented to reduce mudflow incidents, as part of the Sungai Besi-Ulu Klang Elevated Expressway (Suke) was being built in Taman Saga.

Abdul Razak said a team of residents was monitoring the construction of the highway as certain houses had been affected by mudflows caused by the project.

In addition, Lai visited the silt traps at the construction site with a consultant. "We have visited three silt traps and found that they were in good condition.

"The occurrence of mudflow has decreased and I have requested that the silt traps be monitored and maintenance kept to a schedule," he said.



**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

<b>KERATAN AKHBAR</b> <b>05 JULAI 2019 (JUMAAT)</b>	
Akhbar	Utusan Malaysia
Tajuk Berita	BAHASA MELAYU SAHAJA
Muka Surat	01& 04

4m 5/7/19 ms 01

Tiada lagi papan tanda jalan dwibahasa di Selangor

# BAHASA MELAYU SAHAJA



- Berkuat kuasa serta-merta papan tanda jalan di Selangor hanya guna bahasa kebangsaan.
- Papan tanda jalan dwibahasa perlu diturun dan ditukarkan.
- Arahan dibuat Menteri Besar, Amirudin Shari, selepas ditegur Sultan Sharafuddin Idris Shah.
- Tokoh bahasa sambut baik keputusan kerajaan Selangor dan wajar dicontohi negeri lain.

“Pendirian itu selaras komitmen Pakatan Harapan mempertahankan kedudukan raja-raja Melayu, hak keistimewaan orang Melayu, Islam agama rasmi Persekutuan dan bahasa Melayu sebagai bahasa Kebangsaan.”

**AMIRUDIN SHARI**


**BERITA DI MUKA 4 & 5**





UM 5/7/19 MS04

## Nama Khoo Kay Kim diabadikan pada nama jalan



**KHOO KAY KIM**

**SHAH ALAM 4 Julai** - Sultan Selangor, Sultan Sharafuddin Idris Shah berkenan untuk menamakan semula Jalan Semangat di Petaling Jaya dekat sini, kepada nama Jalan Profesor Khoo Kay Kim.

Pertukaran itu sebagai mengenang segala jasa dan bakti Prof. Emeritus Tan Sri Dr. Khoo Kay Kim ketika hayatnya, yang merupakan tokoh sejarawan tersohor tanah air.

Menteri Besar Selangor, Amirudin Shari berkata, meniadakan meniadakan legasinya sebagai seorang nasionalis dan patriot khususnya dalam merangka Rukun Negara, sebagai suatu usaha mengembalikan keharmonian negara pasca peristiwa 13 Mei 1969.

"Sebagai seorang sarjana sejarah, sumbangan besar meniadakan adalah dalam pembentukan historiografi Malaysia pada

abad ke-19.

"Karya-karya utama meniadakan seperti *The Western Malay States 1850-1873: The Effects of Commercial Development on Malay Politics* telah menjadi kamun dalam penulisan sejarah Malaysia," katanya dalam satu kenyataan di sini hari ini.

Kay Kim meninggal dunia pada usia 82 tahun, pada 28 Mei lalu di Pusat Perubatan Universiti Malaya (PPUM) akibat jangkitan

kuman pada paru-paru.

Dalam pada itu, Amirudin memberitahu, di samping tugas meniadakan sebagai sarjana di Universiti Malaya, Khoo juga adalah seorang intelektual awam.

"Meniadakan terlibat aktif dalam memberikan pandangan tentang politik dan isu-isu berkaitan pembinaan negara bangsa dan juga bidang yang sangat diminati sejarawan itu iaitu sukan bola sepak," ujarnya.

**ANALISIS**

UM 5/7/19 MS04  
Oleh **MOHD. ASRON MUSTAPHA**

## Utamakan Perkara 152: Amirudin pamer karektor pemimpin

**MENJADI** pemimpin memerlukan keberanian, selain kepintaran dan bebas daripada salah laku moral. Keberanian tidak boleh dibuat-buat. Ia sikap lazim seseorang individu biar pun dalam keadaan tertentu keberanian itu boleh dibentuk tetapi jika dibuat-buat, mudah sangat terlihat 'canggunya'.

Lebih-lebih lagi untuk mengambil ketetapan bahu bagi membatalkan keputusan kepimpinan terdahulu. Semua itu tidak mudah dan ditambah lagi dengan persekitaran politik semasa tanah air. Orang muda kata, kalau tidak mengikut arus, tak 'seksis'. Jadi untuk menjelmakan perkara itu ia menuntut keberanian politik.

Ini kerana dalam Malaysia baharu ini, jika ada pemimpin kerajaan yang tampil mengambil pendirian melaksanakan (bukan sekadar cakap politik) Perkara 152 Perlembagaan Persekutuan dalam urusan rasmi, ia dilihat tidak 'trendy' kerana sekarang ini banyak pihak gemar menggunakan dwi atau tiga bahasa.

Walhal, Perkara 152 Perlembagaan Persekutuan dengan jelas menyebut bahasa Melayu adalah bahasa rasmi negara. Ia berarti semua urusan rasmi kerajaan mesti menggunakan bahasa Melayu dan tidak boleh selainnya meskipun dengan sifat dwibahasa, atas apa alasan sekali pun.

Jadi apabila Menteri Besar Selangor, Amirudin Shari melalui mesyuarat Exco memutuskan berkuat kuasa serta-merta, hanya bahasa Melayu sahaja boleh digunakan untuk papan tanda jalan di negeri ini, susulan isu di Tanjung Sepat, sekali gus mengetepikan keputusan

kepemimpinan terdahulu pada 2016, membuktikan beliau ada keberanian.

Ketika mana, pada 2016, di bawah kepimpinan terdahulu, kerajaan negeri akur kepada tekanan politik atau dengan kata lain mahu beli jiwa kelompok pengundi tertentu, Amirudin tampil menegaskan yang keputusan kerajaan pimpinannya hari ini adalah berasaskan Perkara 152 dan Akta Bahasa Kebangsaan.

Pada masa yang sama juga, ia memberikan mesej kepada rakyat bahawa kepimpinannya saling bergandingan dengan istana, sementelahu isu papan tanda jalan dalam bahasa selain Melayu juga sudah dititahkan Sultan Sharafuddin Idris Shah pada November 2018 lalu.

Kini ketetapan baharu sudah dibuat dan rakyat mahu melihat kepada pelaksanaannya pula. Pihak berkuasa tempatan (PBT) selaku badan pelaksana harus bertanggungjawab dalam hal ini dan diharapkan tidak berulang drama 'bangau oh bangau' apabila munculnya isu berkait bahasa ini.

Kepada Amirudin pula, keberkesanan seorang pemimpin itu dinilai bukan hanya dari sudut kejayaan negeri atau menangi pilihan raya semata-mata, ia turut ditukur dengan mengambil kira kemampuan pemimpin tersebut membuat keputusan tepat.

Setidak-tidaknya, apabila Kerajaan Negeri Selangor mewajibkan hanya bahasa Melayu sahaja digunakan untuk urusan rasmi dan papan tanda jalan, ia menyelesaikan polemik isu bahasa ini secara muktamad.

## Tiada lagi papan tanda jalan dwibahasa di Selangor

# Hanya bahasa Melayu dibenarkan

Oleh **MOHD. ASRON MUSTAPHA**  
pengarang@utusan.com.my

**SHAH ALAM 4 JULAI**

**B**ERKUATKUASA serta-merta semua papan tanda jalan di Selangor hanya boleh menggunakan satu bahasa sahaja, iaitu bahasa Melayu selaku bahasa kebangsaan dan semua papan tanda jalan dwibahasa perlu diturun serta ditukarkan.

Keputusan dan arahan itu dibuat Menteri Besar, Amirudin Shari, hari ini, tiga minggu selepas *Utusan Malaysia* melaporkan apa sudah jadi dengan titah Sultan Sharafuddin Idris Shah apabila papan tanda jalan di Tanjung Sepat, menggunakan dwi bahasa.

Jelas Amirudin dalam kenyataannya, keputusan kerajaan negeri yang dibuat melalui mesyuarat Exco bagi membatalkan keputusan Exco pada 2016 itu, selaras dengan Perkara 152 Perlembagaan Persekutuan serta Akta Bahasa Kebangsaan 1963/1967.

Pada masa yang sama, jelas beliau, keputusan tersebut bertepatan dengan titah serta nasihat Sultan Selangor agar kerajaan negeri memartabatkan bahasa Melayu.

"Kerajaan negeri menetapkan bahawa semua papan tanda jalan di Selangor akan menggunakan bahasa Melayu sahaja. Ini selaras dengan Perkara 152 Perlembagaan Persekutuan dan Akta Bahasa Kebangsaan 1963/1967.

"Perihal ini turut mendapat perhatian Tuanku yang telah memberi titah dan nasihat agar kerajaan negeri memartabatkan bahasa Melayu dengan menetapkan hanya bahasa Melayu dalam papan tanda rasmi ker-



Penggunaan bahasa Cina masih berleluasa  
**Inkari titah Sultan Selangor?**

**KERATAN Utusan Malaysia**  
18 Jun 2019.



"Kerajaan negeri menetapkan bahawa semua papan tanda jalan di Selangor akan menggunakan bahasa Melayu sahaja."

**AMIRUDIN SHARI**

ajaan negeri termasuk pihak berkuasa tempatan (PBT)," katanya.

Pada 17 Jun lalu, *Utusan Malaysia* melaporkan papan tanda jalan di Tanjung Sepat masih

menggunakan dwi bahasa walaupun Sultan Sharafuddin sudah menitahkan pada November 2018 iaitu hanya bahasa Melayu sahaja boleh digunakan susulan kes di Shah Alam.

Ekoran laporan itu, Majlis Daerah Kuala Langat (MDKL) tampil menafikan yang PBT berkenaan ingkar titah Sultan Selangor, sebaliknya memberitahu perkara tersebut diputuskan kerajaan negeri pada 2016 dan mereka cuma melaksanakan arahan.

Mengulas keputusan dan arahan terbaharu itu, Amirudin dalam kenyataan sama menjelaskan ia juga selaras dengan komitmen Pakatan Harapan (PH) dalam mempertahankan beberapa teras utama dalam Perlembagaan.

"Pendirian ini adalah selaras dengan komitmen PH mempertahankan perkara seperti kedudukan Raja-Raja Melayu, hak keistimewaan orang Melayu, Islam sebagai agama rasmi Persekutuan dan bahasa Melayu sebagai bahasa Kebangsaan," jelasnya.





**MAJLIS PERBANDARAN AMPANG JAYA**  
**BAHAGIAN PERHUBUNGAN AWAM DAN SEKRETARIAT**  
MENARA MPAJ, JALAN PANDAN UTAMA,  
PANDAN INDAH, SELANGOR,  
55100 KUALA LUMPUR

<b>KERATAN AKHBAR</b> <b>05 JULAI 2019 (JUMAAT)</b>	
Akhbar	Sinar Harian
Tajuk Berita	Jalan Semangat ditukar kepada Jalan Professor Khoo Kay Kim
Muka Surat	18

